

KERATAN AKHBAR

TARIKH : 8 JUN 2023
AKHBAR : BERITA HARIAN
MUKA SURAT : 24

Pertumbuhan ekonomi tinggi jana peluang kerja

Pertumbuhan ekonomi tinggi jana peluang kerja

Kerajaan tingkatkan aspek latihan semula, pembangunan sumber tenaga skala baru

Oleh Mohd Zaky Zainuddin
zaky@bh.com.my

Malaysia perlu mengekalkan pertumbuhan ekonomi yang tinggi bagi mewujudkan lebih banyak pekerjaan berkualiti tinggi.

Menteri Ekonomi, Rafizi Ramli, berkata kerajaan akan terus melabur dalam permintaan agung, penciptaan perniagaan, inovasi dan pemilihan industri pertumbuhan tinggi, bernilai tinggi (GHV).

"Kerajaan menetapkan beberapa langkah yang mesti dilaksanakan bagi menangani jurang kemahiran pada era yang semakin mencabar ketika ini."

"Walau apa pun versi masa depan pekerjaan, ia hanya akan menjadi optimistik jika terdapat enjin pertumbuhan mewujudkan pekerjaan berkemahiran tinggi."

"Justeru, pertumbuhan ekonomi adalah satu keperluan asas bagi kerajaan khususnya Kementerian Ekonomi," katanya ketika berucap merasmikan Pusat Keupayaan Serantau Asia Tenggara

(RCC) Deloitte di Kuala Lumpur, semalam.

Yang turut hadir, Ketua Pegawai Eksekutif Deloitte Malaysia, Yee Wing Peng; Ketua Pasaran & Pelanggan Deloitte Asia Tenggara, James Walton dan Timbalan Ketua Pegawai Eksekutif Lembaag Pembangunan Pelaburan Malaysia (MIDA), Sivasuriyamoothry Sundara Raja.

Mengulas lanjut, Rafizi berkata, kerajaan juga menetapkan inisiatif bagi meningkatkan aspek latihan semula dan pembangunan tenaga kerja kepada skala baru.

"Anggaran terkini oleh Bank Dunia memberi kita gambaran betapa besarnya jurang bakat untuk kita padankan kemahiran dengan negara Pertubuhan Kerjasama dan Pembangunan Ekonomi (OECD)."

"Kita perlu mencipta 2 juta lagi pekerjaan berkemahiran tinggi. Jangan silap, ini adalah cabaran global yang masih dihadapi oleh banyak negara."

"Ramai yang menyamanakn tugas besar ini dengan skala Rancangan Marshall, pelan pemulihran ekonomi pasca perang untuk menghadapi dunia yang jauh berbeza daripada sebelumnya," katanya.

Beliau menjelaskan, dalam beberapa bulan akan datang, kerajaan akan melancarkan beberapa siri inisiatif untuk memudahkan akses kepada program peningkatan kemahiran secara besar-besaran agar dapat mengatasi ketidakseimbangan bekalan-

permintaan.

"Kerajaan mesti wujudkan persekitaran yang disokong untuk mobiliti buruh di mana adalah tidak memadai untuk melatih tanpa memikirkan cara meletakkan bakat yang betul ke pekerjaan yang betul."

"Teknologi berguna di sini, kerana kita perlu memikirkan tentang platform bakat digital yang menyokong peralihan pekerja.

"Di Jerman, agensi pengangguran persekutuan mengubah peranannya menjadi agensi padanan yang mantap kerana mereka mengakui bahawa buruh kini lebih mudah alih berbanding sebelum ini," katanya.

Skim perlindungan sosial

Rafizi berkata, selain latihan semula, kerajaan juga akan mempertimbangkan pelbagai skim perlindungan sosial untuk pekerja dalam proses peralihan itu untuk menangani sisi teknologi yang tidak dapat diramalkan.

"Sebahagian daripada pembaharuan struktur yang perlu dilakukan oleh kerajaan adalah membetulkan ketidakseimbangan perawaran dan permintaan sepepat mungkin," katanya.

Sementara itu, Deloitte membuka RCC Asia Tenggara bagi menawarkan perkhidmatan komprehensif kepada pelanggannya dalam rangkaian seluruh perniagaannya.

RCC direka untuk menyediakan set perkhidmatan profesional lengkap untuk lima perniagaan serantaunya iaitu audit dan jami-

nan; perundingan; khidmat nasihat kewangan; khidmat nasihat risiko; serta cukai dan perundingan.

Terletak di Kuala Lumpur, RCC memanfaat lokasi strategik Malaysia di Asia Tenggara dan reputasi negara sebagai destinasi kompetitif bagi pelaburan bermaklumat.

Menurut Deloitte, penuhan RCC di Malaysia adalah langkah yang akan membolehkan firma berkenaan memperkasakan kehadirannya di peringkat serantau dan kedudukan organisasi untuk memenuhi permintaan yang semakin meningkat bagi perkhidmatan profesional di Asia Tenggara.

Mengulas mengenainya, Wing Peng, berkata firma itu menjangkakan, RCC menyediakan 1,000 pekerjaan kepada profesional Malaysia tahun ini dengan rancangan untuk membangunkan keupayaan dalam sains data dan analitik, penyiasatan forensik, pengurusan rantai bekalan, transformasi digital, keselamatan siber dan pengkomputeran awan.

Katanya, pusat berkenaan dijangka mewujudkan peluang untuk bakat tempatan dan akan membantu meningkatkan sektor perkhidmatan profesional di Malaysia.

"Program pembangunan bakat komprehensif Deloitte bertujuan untuk memupuk bakat pada setiap peringkat, bermula dari tahun-tahun pendidikan awasi melalui pendidikan tinggi dan meneruskan perjalanan sebagai profesional Deloitte," katanya.